

校刊咽喉證通論序

或曰宋有異僧者寓杭之千佛寺去時遺一囊寺僧啟之得是書秘不欲傳今尚有能世其術者余曰唯唯否矣夫
技之書類多托于畸人異士隱僻誕者流神其說以炫人耳目是書苟宋時人所作也不應有棉花磨云云此誤元
時始入中國何先數百年已能言之鑿鑿如此邪第綜其方論凡夫喉證之虛實緩急辨析造微多所依據則知非
人所能苟非宋亦不出元明間一巨手耳余先後得四五寫本改竄塗乙各不相同因即數本中排比校對數月之
力如理亂絲不啻數棼之而數析之也今春彙錄定本不敢自秘爰授之手民以永厥傳聞首仍畧回宋僧原本亦疑
意爾夫豈敢神其說以炫人耳目哉是為序

武進伯雄氏書

醫家十三科咽喉居其一誠以氣之出入生死之關事醫者不可不審求也內經曰喉主天氣咽主地氣欬論篇曰心
欬之狀欬則心痛喉中介介如梗狀甚則咽腫喉痺厥論篇曰手陽明少陽厥逆發喉痺噤腫脛脈解篇曰厥陰所謂
甚則噤乾熱中者陰陽相薄而熱故噤乾骨空論篇曰督脈生病治督脈治在骨上甚者在臍下營其上氣有音者治
其喉中央在缺盆中者其病上衝喉者治其漸漸者上俠頤也謬刺論篇曰邪客於手少陽之絡令人喉痺邪客於足
少陰之絡令人噤痛不可內食又曰噤中腫不能內唾時不能出唾考內經所言喉證者凡謂臟腑之氣痺著於其地
而已無所謂十八證三十六證也惟靈樞癰疽篇歧伯曰癰發於噤中名曰猛疽猛疽不治化為膿膿不寫塞喉半日
死則類喉科之乳蛾而屬之癰疽仲景去先聖未遠其金匱玉函所載雜病並無喉證正與內經相合李東垣劉河間
為金源巨手所著諸書亦不載是證獨朱丹溪有喉痺一門第以臟腑為主分經施治則亦內經之支也孟河費君伯
雄得喉科書一冊於其鄉之世業是醫者題為宋異僧所遺以其篇第攷之即所謂十八證也先總論病態而繼以藥
後詳方證復列以藥禁忌且以甘桔湯為喉證所忌一掃俗醫誤執成方之謬是能獨具手目者以其喉證為火毒上
升用藥降氣瀉火為主即靈樞猛疽之意也其以病起何經用何藥主治即內經丹溪之法也夫善讀軒岐書者固可
隔垣洞見何待檢閱之煩然則此書之作蓋為俗醫設也且為無醫設也俗醫與無醫則此書之功偉矣伯雄因舊刻
之訛重勘而精梓之因括其大凡於左

光緒十年三月之望上海劉至喜書於春星草堂

校刊咽喉證通論序

或曰宋有異僧者寓杭之千佛寺去時遺一囊寺僧啟之得是書秘不欲傳今尚有能世其術者余曰唯唯否矣夫
技之書類多托于畸人異士隱僻誕者流神其說以炫人耳目是書苟宋時人所作也不應有棉花磨云云此誤元
時始入中國何先數百年已能言之鑿鑿如此邪第綜其方論凡夫喉證之虛實緩急辨析造微多所依據則知非近
人所能苟非宋亦不出元明間一巨手耳余先後得四五寫本改竄塗乙各不相同因即數本中排比校對數月之
力如理亂絲不啻數棼之而數析之也今春彙錄定本不敢自秘爰授之手民以永厥傳聞首仍畧回宋舊原本亦疑
意爾夫豈敢神其說以炫人耳目哉是為序

武進伯雄氏書

醫家十三科咽喉居其一誠以氣之出入生死之關事醫者不可不審求也內經曰喉主天氣咽主地氣欬論篇曰心
欬之狀欬則心痛喉中介介如梗狀甚則咽腫喉痺厥論篇曰手陽明少陽厥逆發喉痺噤腫脰脈解篇曰厥陰所謂
甚則噤乾熱中者陰陽相薄而熱故噤乾骨空論篇曰督脈生病治督脈治在骨上甚者在臍下營其上氣有音者治
其喉中央在缺盆中者其病上衝喉者治其漸漸者上俠頤也謬刺論篇曰邪客於手少陽之絡令人喉痺邪客於足
少陰之絡令人噤痛不可內食又曰噤中腫不能內唾時不能出唾考內經所言喉證者凡謂臟腑之氣痺著於其地
而已無所謂十八證三十六證也惟靈樞癰疽篇歧伯曰癰發於噤中名曰猛疽猛疽不治化為膿膿不寫塞喉半日
死則類喉科之乳蛾而屬之癰疽仲景去先聖未遠其金匱玉函所載雜病並無喉證正與內經相合李東垣劉河間
為金源巨手所著諸書亦不載是證獨朱丹溪有喉痺一門第以臟腑為主分經施治則亦內經之支也孟河費君伯
雄得喉科書一冊於其鄉之世業是醫者題為宋異僧所遺以其篇第攷之即所謂十八證也先總論病態而繼以藥
後詳方證復列以藥禁忌且以甘桔湯為喉證所忌一掃俗醫誤執成方之謬是能獨具手目者以其喉證為火毒上
升用藥降氣瀉火為主即靈樞猛疽之意也其以病起何經用何藥主治即內經丹溪之法也夫善讀軒岐書者固可
隔垣洞見何待檢閱之煩然則此書之作蓋為俗醫設也且為無醫設也俗醫與無醫則此書之功偉矣伯雄因舊刻
之訛重勘而精梓之因括其大凡於左

光緒十年三月之望上海劉至喜書於春星草堂

咽喉脈證通論目錄

總論

用藥禁忌

牛黃解毒丸
紅內消散

水礪散
玉屑散

重舌第二

乳蛾第四

纏喉第六

骨槽第八 加減當歸連翹散

爛喉癰第十 犀角貝母膏

弱證喉癰第十二

噎食第十四 當歸連翹散
川桂散

懸癰第十六

牙癰第十八

通治用藥

丸散方藥

保命丹 錠子
膽水消毒散

鎖喉第一 加減荆防敗毒散
加減藥胡雙聯散

氣癰第三

弄舌第五

啞瘡第七

懸蜚第九 加減千金內托散

熱風喉癰第十一 涼血地黃湯

喉閉第十三 四逆湯
四理中湯

發頤第十五 南星膏

喉疳第十七



夫喉者吾生氣機出入之門戶瞬息存亡之際性命係焉偶一受病危在須臾迫不及待所貴醫者能識受病之原與夫虛實痰火風寒熱毒之異更於望聞問中參究脈理尤為先務之急自來業喉科者全不講脈所以治之鮮效今試論之假如其脈洪大而實其人氣粗而躁此有餘之證用藥則以散風下氣清火消痰散之者荊芥防風羌活黃芩也下之者枳殼枳實青皮厚樸山查前胡是也清之者山梔黃芩黃柏甚則犀角黃連消痰則以膽星礞石杏仁為主若脈洪大而浮軟無力或絃緩而溲其人氣萎而靜此不足之證用藥則以涼血生血滋潤消痰涼之者丹皮白芍是也生之者生地當歸是也潤之者沙仁知母花粉是也消痰則以貝母萸仁杏仁兼用山梔黃芩黃柏犀角黃連或有一純是陰脈者或有純是陽脈者當以病治病脈不與焉即以荊芥防風牛蒡射干黃芩枳殼銀花獨活生地丹皮花粉為治再以保持命丹或紅內消同服日用吹藥夜用噙藥無不見效更有一種熱病而服熱藥火毒熾甚而發於喉間大寒大熱疼痛不止或血脹而木伸縮不能飲食難進其脈洪實有力大便不行宜急下之若脈洪弦而浮無力宜涼血行血為主若過用疎風散火之劑恐變別證最稱難治又有一種出外急走遠路脫力而傷肺氣喘息難舒以致喉痛舌脹地閣下腫突如鎖喉之狀內視之非重舌外視之非疫毒寒熱大作痰涎洶湧六脈洪大中空面色發黃而浮初以防風通聖散探之或效一二即以涼血生血順氣之藥治之又有似喉證非喉證者其喉亦痛牙關緊閉胸脇痛四肢攣厥作痛腹痛因受有重傷或用力太過致瘀血凝滯當以行血破瘀為要初起可救過五六日不治又如弱證喉癰雖是肺經之病亦有兼他經而起者何以知之假如喉間紅癰作痛是肺經火盛之故若頸項之筋有時或左或右作脹而梗氣悶不快此怒氣傷肝左關脈必洪大而弦當清肝火以舒筋涼血為主用藥則以當歸牛膝佐以柴胡黃芩羚羊若兼右關微弱而緩乃脾胃有虧須兼用白芍茯苓此肝脾與肺共病也喉間紅癰作痛其舌紫色或生刺作痛或作木乾枯是心經受虧無血榮養以致虛火熾盛且兼思慮過度鬱氣所成左寸脈必浮洪當以犀角黃連為主佐以當歸白芍此心與肺共病也喉間紅癰作痛滿脣焦裂口熱如燒或作乾嘔是胃經虛火熾盛右關脈必洪弦且緊當以山梔黃芩為主佐以當歸白芍山藥此胃與肺共病也喉間紅癰作痛夜間舌乾口苦湯水不進或有嗽而無

痰更兼滑精者是腎水枯竭虛火上炎兩尺脈必洪數無力當以山藥知母黃柏為主佐以花粉澤瀉白芍茯苓此腎與肺共病也若夫肺經獨病或吐血而成或嗜酒而發或脾瀉而生氣血消散重聲啞喘急痰多聲如曳鋸腸胃不得六脈洪大而浮肺部更甚當以苡仁山藥貝母黃芩薑仁牛蒡為主佐以當歸白芍熟地茯苓丹皮犀角黃柏知母服之喉痛雖止然不過待日而已更有六脈沉隱神脫氣敗飲食不進步履不前盜汗自汗如雨脾氣滯泄死無疑矣若年老人喉間紅癰作痛或舌上生刺或破腫或木脹言語不清六脈微洪五至有餘飲食動靜形色神氣如常此血少火盛當以黃芩丹皮茯苓熟地當歸白芍為主佐以元參牛蒡枳殼銀花花粉山藥苡仁甚則加犀角黃連不同前論若小兒痘後或瘡後患此當以犀角黃連敗其熱毒更以涼血補血健脾之藥佐之木草參芪斷不可用此外用藥與大人相同若女人胎前患此者先以安胎為主次以涼血為佐紅內消保命丹忌用餘藥無妨產後一月未滿者當以熟地當歸補血枳殼青皮下氣元參射干牛蒡元胡索銀花消腫少加黃芩花粉以清熱紅內消保命丹可用但不宜多吹藥擒藥忌之如經期到來當以破血下氣之藥為主涼血者少用紅內消保命丹噙藥服之亦無忌茲論其大畧如此餘詳各條

通治用藥

夫喉證向有三十六法令余五十八證名目雖簡而治法已備要之十八證中又可以風與痰與火概之凡遇此證不論緩急只以下氣消痰為主次則清火涼血若不分先後混亂用藥貽害匪淺今開用藥大概於左惟高明者臨時參用可耳

藥用防風前胡丹皮獨活各一錢杏仁樓仁山查各三錢車前木通各八分兩劑後加山梔膽星各一錢生地二錢如火未息加黃芩一錢以保命丹紅內消同服

誤用黃連半夏生薑桔梗之類難以收功照前方加羌活獨活服幾劑自愈

牙關難開須加真北細辛一分

單蛾雙蛾至八九日方可用鍼刺出毒血未滿十日萬不可刺

或有疔瘡根腳紅內消不可用之反山煎藥中加地丁草七八錢自愈保命丹可服

頸間痰毒須加象貝母草河車猴薑若日久難愈以蝦蟇一箇研好硃砂五分灌於中泥裏煨研末服之自消

用藥禁忌

古有柑桔湯乃清喉之要劑今有見有患喉證者即用之而無疑嗟乎此猶抱薪救火非能愈疾而更增其疾矣所以言之夫喉證乃火毒上升所致須以降氣瀉火為要甘草補中而不得火既受其補則火愈熾病愈重蓋桔梗引諸藥上行藥既上行則痰與火亦引之而上行勢必喉間壅塞於病更加重矣故小兒驚痰大人痰火桔梗是禁忌者本草云升麻引味中清氣上升又可代犀角似乎可用不知一用其痰火與氣一齊上湧於咽喉之間四肢逆冷喘急常為害匪淺若在他證猶或可用如鎖喉服之則不治矣半夏雖消痰若喉證痰重者誤用之禍不旋踵蓋此乃治脾寒濕滯之痰至於喉證有痰總不外肺中熱火何可以半夏之燥烈治之乎老薑辛辣發散雖喉證亦以發散為主然過用辛辣之味則以火益火大非所宜此五者與喉證關係甚重故特表而出之至別藥之中亦多禁忌惟業醫者當擇用之茲不多贅

九散方藥

牛黃解毒丸即擒藥

治一切喉風緊閉嗽喘喘急痰涎壅塞胸膈迷悶竝口舌等證無不見效

牛黃五分

青黛一兩

冰片五分

雄黃五錢

兒茶三錢

官礬五錢

薄荷三兩

胆星四兩

研細末生蜜和丸如芡實大每噙一丸待其自化嚥下一日夜須噙四丸小兒減半

紅內消散

治咽喉一切諸證竝無名腫毒已潰未潰均可使用厥效如神

大蜈蚣去頭足切斷同米

乳香去油

血竭另研

雄黃

象貝母

川山甲炒

沒藥去油

辰砂水飛

麝香揀去毛

皮乾研

右藥等分惟麝香少許研細末每服七分小兒減半和煎藥同服酒下亦可

保命丹錠子

治咽喉口齒新久腫痛並解諸毒磨服神效

麝香煉去毛皮

辰砂明透者水

水片海花大

珍珠研細末

琥珀一錢

山豆根汁另熬

文蛤洗淨

山豆根洗去毛皮

雄黃鮮明大塊

千金子白者去

紅毛大戟

浙江紫大戟為上北方絲大戟不堪用去蘆根洗淨焙乾為末二兩五錢

右藥研末以糯米粥和山豆根汁打糊為錠每重一錢病輕者一錠重者連服二錠

膽水消毒散初起吹藥

無竭一錢

胆礬一錢

雄黃一錢

乳香去油

水片一錢

白占二錢

燈心灰不拘

水礬散收功吹藥

水片一錢

硼砂一錢

山豆根二分

玉屑散一名五馬破曹

治咽喉口舌頸項破爛諸痛皆效

薄荷二兩

官礬三錢

雄黃三錢

兒茶一錢

水片三分

右藥研細末貯磁餅內臨用挑少許置舌上咀嚼片刻嚥下日用八九次如鎖喉風口內乾枯牙關緊閉不能咀嚼者以無權水灌下自能開關生津惟脾胃虛弱者不宜多用

鎖喉第一

此證因風熱積於胸膈或酒色及鬱怒所致其狀喉上下左右紅紫腫痛或帝丁焦黑腐爛頸項浮腫痰涎壅塞聲响如潮氣急發喘眼目直視額上有汗如珠身汗如雨或泄瀉清水四肢厥冷或腰脇疼痛肚腹脹痛法在不治痛脈六七至不論大小至數分明雖甚危險十中可救一二或脈洪大或沉細惟三部混亂即形色神氣如常終為難治初起用吹藥噙藥痰多以萬年青根搗汁和醋攪去痰涎或土牛膝汁或青魚胆汁俱可

加減荊防敗毒散脈洪大七荊芥防風牛蒡連翹胆星獨活前胡枳殼蘇子樓仁杏仁生地黃芩黃柏山梔元參加原

枝燈心二十莖長流水煎和保命丹同服大便不行去荊芥防風加枳實青皮大黃

加減柴胡雙解散脈沉隱或三至用之柴胡前胡羌活獨活枳殼枳實川芎青皮樓仁杏仁蘇子長流水煎和保命丹同服冬



月加麻黃

脈七八至而浮洪頭面皮肉浮腫色微紅涕淚交流語言蹇澀或以防風蘇子銀花牛蒡杏仁樓仁枳殼枳實胆星黃柏黃芩山梔元參和保命丹同服亦有獲效者

服荊防敗毒散後肺管脹塞咳嗽者即加生地當歸白芍

服敗毒散一劑喉證遂減惟胸膈脹痛牽引脊背再服之即除服三黃湯亦有全愈
蜣螂同白梅搗爛和丸噙之每見有效

誤用大黃巴豆瀉利不止喉證雖愈而胸膈脹悶飲食不進醫復誤作他證治者死

重舌第二

此證因平日喜食炙煇熱毒之物積熱攻於心脾二經所致其狀舌下腫突生一小舌久之大舌反縮短或脹而紫言語不清飲食不下微作寒熱口中清涎極多即用銅匙將舌捺定用三稜針刺大舌兩旁及舌下津液玉液兩穴各一針可五分許再刺小舌兩旁或出紫血或待清涎流盡方進吹藥噙藥次服煎劑自安

藥用荊芥防風連翹獨活前胡射干胆星枳殼元參生地黃芩黃柏銀花花粉長流水煎如刺破清涎出盡亦有弗藥而愈者

氣癰第三

此證因惱怒傷肝肝血不和以致肺氣壅塞火熾上升發於喉間其狀帝丁之上紅腫作痛或有連及兩邊者寒熱大作初起不宜刺破待六七日後方可針刺或有誤服升提之藥竟不能愈者或有服保命丹紅內消其毒自出者如痰多則以醋覺之強進飲食為妙否則恐變輕為重

藥用荊芥防風射干牛蒡連翹烏藥胆星前胡枳殼生地元參黃芩銀花長流水煎痰多加樓仁氣重加枳實青皮大便不行加黃連甚則加大黃

乳蛾第四

此證因嗜酒肉熱物過多熱毒積於血分兼之房事太過腎水虧竭致有此發其狀或左或右或紅或白形如乳頭故因候脉登通論



名乳蛾一邊腫曰單蛾兩邊腫曰雙蛾或前後皆腫曰腐作爛曰爛頭乳蛾初起必作寒熱用保命丹紅內消膏煎

藥用荆芥防風射干牛蒡前胡枳殼連翹胆星生地丹皮元參黃柏黃芩銀花長流水煎如火盛加犀角黃連大黃開

結加大黃寒熱不止加羌活獨活體虛痰多加棧仁杏仁貝母

有一種名根腳喉風其證日行一穴至七日行七穴喉間發泡時欲嘔吐或一年一發或半年一發或一二月數發根

留於中不能盡去一時難愈或云先從腳根發起至於喉間亦名腳跟喉風發時在左則左足酸軟陰痛有似筋觸掌

入喉間在右亦如之治法同乳蛾證亦相似

今人每見發有紫泡以為毒物即用刀鍼開之豈知病之初起毒氣熾盛發之於泡若刺之出血非但不能愈疾如之

破傷則病益重矣

或問曰亦有用刀鍼而得愈者何故答曰彼病勢淺火毒不重刺出血少則愈者其偶然耳倘病勢已深火毒熾盛設

以刀鍼刺之其誤事也可勝言哉

或以寒熱大作誤認感寒即用生薑半夏喉痛益甚蓋薑夏喉證所大忌也

弄古第五

此證因風痰久積於內或勞役過度而生其狀古出過唇不能言語患者以手時弄其舌故名初起用青魚胆汁搽去

其痰急宜以小布鍼刺少商穴

在手大指內側之端去小指甲角如韭菜許白肉際乃肺經穴也出血者易治出黃水者難治腫不消者亦難治

藥用枳殼枳實牛黃連翹射干青皮蘇子胆星防風生地犀角黃芩山梔銀花長流水煎

古捲縮而不能言因乎風寒也古長寸許而不能收因乎房勞也古腫滿而不能消因乎七情也古根腫脹者謂之重

古腫而不柔利者謂之木古初起急宜醫治遲則不救古腫滿口痰涎極多亦水舌之一種前方重加大黃芒硝下後

經喉第六

此證因風痰濕熱久積於內或食炙煇厚味太多或房勞及抑鬱所致其狀耳下紅腫漸趨項下及結喉之間一邊者

輕兩邊春重喉內帶丁左右帶丁如蛇盤之狀有黃白二色黃為黃纏白為白纏急宜刺少商穴出血注見次用藥
噤藥男子延至結喉下不治女子延至胸膛不治喉中聲响如雷者不治額鼻有青黑氣頭低痰如膠者不治藥用
芥防風羌活獨活枳殼連翹胆星樓仁車前紅花丹皮黃芩元參前胡牛蒡銀花長流水煎和紅內消同服再下
丹服藥至四五日加當歸白芍生地黃柏土貝母其效甚速

啞瘰第七

此證因風痰壅滯於咽喉之間其狀口不能言牙關緊閉即用蟾酥化水滴鼻內即開仍以玉屑散吹之再將麝香探
入喉中攪去風痰即能言矣先進牛黃解毒丸次服荆防解毒散連進二三劑自愈如面紫舌青唇黑鼻流清涕目赤
多淚爪甲俱青者不治

骨槽第八

此證因憂思鬱慮邪毒交乘結聚於太陽經絡或則惱怒傷肝致筋骨緊急思慮傷脾致肌肉結腫膏梁厚味致膿多
臭穢其狀始於耳項皮膚間隱隱有核漸如李大便覺腫痛初則堅硬不消久則延爛難愈甚至齒牙墜落牙床腐穢
俱在不治初起先用鷲翎探吐風痰次以陳艾灸耳垂下五分七壯再服煎藥加減當歸連翹枳殼生地銀花射干胆
星赤芍元參牛蒡元胡索黃芩丹皮長流水煎

懸壘第九

此證因上焦熱毒編積風痰壅塞而生其狀上脰腫垂形如蛙腹或如雞卵咽喉閉塞痰涎滿舌初治用鷲翎探吐風
痰次以吹藥噤藥及荊芥散毒散加減日久服千金內托散

加減千金內托散厚朴荊芥防風連翹羌活獨活白芷膽星枳殼元參蘇子杏仁樓仁葱白

爛喉癰第十

此證因棉花瘡毒未盡而結於咽喉其狀周圍紫暈漸至腐爛爛上則鼻平陷爛下則飲食難進多致不救初起不覺
或十日半月始知當以清熱涼血補脾為主佐吞百寶丹二三十服若體弱痰多嗽重聲啞者不治
藥用生地花粉黃芩白芍黃柏丹皮銀花元參牛蒡射干防風角刺體弱者加茯苓嗽重如山藥苡仁知母樓仁杏仁

熱甚加犀角黃連十劑後服犀角貝母膏

膏用犀角羚羊角丹皮各八錢當歸元參各五錢黃芩黃連黃柏防風射干荆芥各三錢牛蒡八錢枳殼連翹各五錢土貝一兩茯苓淡仁花粉各五錢煎汁約四大碗濾淨將汁再熬如稀糊納煉蜜半兩收貯磁罐日服四次在卯之未亥四時每次半鍾以燈心湯攪和送下忌生冷發氣之物體弱者去黃連花粉加白芍陳皮石斛惡心砂仁湯送下如合丸藥去黃連羚羊角荆芥防風日進二次每次二錢

百寶丹子見一兩銀花三兩硃砂五錢研細末每服六分以冷飯塊三兩水三盂煎至五半分作二服服在巳午兩時須二十餘服方能見效食時多服豬油麻油以潤肌膚臟腑忌茶酒牛羊麪食葱蒜等物

熱風喉癰第十一

此證因勞心過度血衰火熾而致其狀喉間紅筋紅爛或帝丁兩旁微有疙瘩一起即覺非弱證喉癰可比時症素熱者食熱毒之物而起不作寒熱於此為別

涼血地黃湯生地黃芩丹皮牛蒡元參防風荆芥黃柏花粉赤芍火甚加山梔或犀角黃連

弱證喉癰第十二

此證因酒色過度或勞碌憂鬱所成其狀喉間紅筋紅爛蔓延而生津嚔疼痛夜間發熱口燥舌乾六脈洪數當以清熱補血為主若動靜飲食如常形色精神不脫無咳嗽痰乃血分有熱須涼血破血不宜用補如嗽重聲啞痰多及盜汗不止者不治藥用白芍丹皮黃芩當歸元參生地黃柏銀花花粉大力子初起亦加荆芥防風連翹枳殼病久去之嗽重加知母前胡土貝樓仁杏仁熱甚加柴胡黃連心火甚加犀角黃連肝火盛加羚羊角泄瀉加白朮茯苓腎水枯竭加山藥澤瀉枸杞五味知母煨酸作嘔加砂仁虛甚加淡仁山藥茯苓當歸倍以白芍

喉閉第十三

此證乃寒邪直中下焦逼其無根失守之火發揚於上以致咽痛卒然喉閉四肢厥冷六脈沈微但必下利清穀口燥咽乾而不思湯飲方是寒證急宜刺少商穴出血注見再服煎劑若口燥咽乾而渴與此霄壤矣

四順理中湯人參白朮甘草乾薑

四逆湯附子肉桂甘草乾薑

噎食第十四

此證乃熱毒積於心肺二經咽喉乾燥而無津液是以喉中作痛而噎食難下也急用當歸連翹散加大黃利之者治稍遲則有飛尸癆瘵之患如痰喘治以川桂散加吳茱萸五七粒服後覺心肺間刺痛仍用當歸連翹散

當歸連翹散當歸生地黃各連翹山梔枳殼羌活防風荆芥

按當用骨槽門加減法

發頭第十五

此證或傷寒發散未透餘毒積於經絡有與傷寒同發者有不與傷寒同發者其狀耳後紅腫頭重體倦急用金匱托散治之外敷南星散若發於耳後一寸三分或鼻中流涕咽喉閉塞痰涎壅聚法皆不治

南星膏

按此方原本藥品未載

發於耳後名發頭發於腮邊名穿腮發於地閣下名穿喉皆屬痰毒初起破血消痰降氣其後涼血生血滋陰降火惟燥熱之藥斷不可用刀鉞圍藥膏藥並忌吹藥囑藥多用為妙

懸癰第十六

此證乃脾家熱毒外感風熱而成其狀忽於上脘生一紫泡垂下抵舌疼痛異常口不能言舌不能伸頭不能低仰面而立鼻出紅涕若不速治毒入於腦即死急以小刀刺破癰頭出盡紫血不可嚥下用菊花湯漱淨先以菊花葉搗汁一盃和酒送下次進牛黃解毒丸煎以荊防敗毒散加地丁半枝連甚效

喉菌第十七

此證因食膏粱炙煇厚味過多熱毒積於心肺二經上蒸於喉結成如菌面厚色紫軟如猪肺或微痛或木而不痛梗塞喉間飲食有礙須以針刺出紫血者可治鮮血者難治日刺日有漸如蜂窠者不治

藥用犀角黃芩丹皮僵蠶射干連翹銀花紅花生地黃連黃柏枳殼獨活元參赤芍大力子

或年幼之人患此不疼痛者當以丸藥治之日久自消切忌刀針藥用丹皮獨活防風連翹紅花生地荊芥射干牛蒡



前胡枳殼山查犀角銀花花粉山梔黃芩黃柏元參元胡索蜜丸日服二次每次二錢用開水下

牙癰第十八

此證因勞心過度或食熱毒等物鼓動陽明胃經之火發於牙齦其狀如豆大或如指大紫色腫硬疼痛難忍或頭疼發熱憎寒先服紅內消次進荊防敗毒散和保命丹同服吹藥噙藥多用初起發散後則涼血如不愈乃是體虛當用黃耆白朮當歸柴胡陳皮熟地丹皮芍藥黃芩石斛元參牛蒡山梔

凡牙痛或左或右痛無定處者前藥亦治若誤服發散其痛更甚以水醋各半和熱水漱之即止



洞主仙師白喉治法忌表抉微

耐修子敬錄并序跋如注

余素未習醫咽喉一症尤屬茫然今年正月余三兒自至戚汪大令處染患白喉延同鄉某甲醫診治據自述喉痺也切不可破破則不治方用牛蒡桔梗礪蠶杏仁荊芥防風等藥一劑而汗出然鼻塞矣再劑而熱是熱毒熾矣又延診之則曰邪退其半矣以前方略加增減一劑而白塊自落矣再劑而鼻流鮮血矣又延診之則曰邪皆外出矣又以原方去荊防杏仁加射干黃芩一劑而喉外暴腫再劑而喉內全爛且頑痰上壅骨節脹滿神志煩悶睡寤恍惚始知藥誤急改延某乙醫來視曰誤服表藥受患過深不可救矣姑以龍虎二仙湯灌之卒無效未幾而汪之女及婢相繼患此鑒於甲醫之失不敢服藥用老嫗挖去白塊出涎血并許尋愈然不解其何理嗣於友人處假得鄭梅澗先生重樓玉鑰一書閱之乃知白喉一症只可滋陰不可發表甲醫所用之藥全在發表之列而鼻塞音啞與白塊自落鼻孔流血皆為誤表不治之症惟不可破一語則與甲醫相合更無解於汪氏女婢之因破而愈也方思摘其大要刊布流傳免世滋誤乃未一月而汪君亦病此仍不敢延甲醫亦倩老嫗掘破而病不減另延某丙醫診治其所用藥與重樓玉鑰中所載養陰清肺一方大同小異因未大效又傷培用生地惟尚不免有一二禁藥攪入服更不效病家以為生地之誤又另延一僮醫者全用藥表散連劑並進而種種敗象一時俱見知為內陷仍歸咎於養陰亦改延乙醫觀之並未出前方相示乙醫以為症由風邪失未表散亦投蠶蟬羌活等藥竟不救余時亦未見僮醫之方近始索觀而知當日但謂病有兩歧難難一致前所欲摘要刊布者至此遂不敢下筆矣又一月而余妾亦病始則骨節疼痛渾身發熱喉間乾痛而無白點乃立意延乙醫診視以其向治喉症類能分別透澈必可辨悉病源乃診脈象云是浮緊延係風邪累應表散然一劑而音啞再劑而氣逆似覺不合適有某丁醫過訪請其覆按覆然曰此白纏喉也如何可表連服養陰清肺湯方可補救時熱尚未退探視喉間微有白象余以乙丁之言迥然相反茫無幸從乃齋沐設壇敬請

洞主仙師判斷所語悉如丁言並示白喉斷無發表之論命於養陰清肺湯中加蠶食過桑葉孔多者三片青麟丸五


分為引一劑之後即照原方不必加引至愈而止當即遵服次日即大解一次色赤黃並發斑疹遍體皆是此種乃白喉症所恒有餘服藥見功得邪外出乃是吉象切勿誤認尋常斑疹不敢滋陰乃服表散以致大誤此時熱已全退而喉間白塊遍滿矣余恪遵

仙諭始終守方五日而瘳長次兩兒次第傳染其情狀症亦相同深信不疑即以養陰清肺湯投服或便沾痰或發斑疹服三劑而熱清喉間均稍露白點不移時而退盡竟未大發乃堅信養陰忌表四字為治白喉者歷劫不磨之論乙年為余年交長虛心而善悟見此不覺五體投地矣復迭次虔請逐層質疑得

頒嚴論並命作表以喚迷津前後共三百餘言一片婆心流溢行間字裏自此濟人有術所活奚止垣垣沙數哉仙師廟在奉天前於戊子歲在奉降壇勸賑凡助賑求方者莫不藥到病除神妙不可思議偶立方論同散源流決非凡手所能夢見此論一出歧黃家當可奉為金科玉律不致再入歧途矣敬錄之並將張善吾所有授要書中語之相合者分注於下刊印行世焉

洞主仙師前論 答耐修問

白喉古無此症故少專書世稱難治然非難也未明其理耳人但知肺之灼而不知由於胃之蒸人即知胃之熱而不
知由於腸之寒腸寒則下焦凝滯胃氣不能下行而上灼於肺咽喉一綫之地當其衝終日蒸騰無有休息不急治
與治之不當則腫且潰潰且閉矣提要云白喉初起惡寒發熱頭痛背脹通身骨節疼痛喉內或極痛或微痛或不痛
至滿喉皆白治之之法惟有以厚重之藥鎮其上層如以巨氈蓋鼎使賊不上騰復以清涼之藥潤其次層如以濕綿
者所治皆同禦火使火不內射極感者再掃除其中官以抽柴薪開通其下道以漏炸炭醫者之能事畢矣夫自上至中至下本有
可通之路而必開其旁門反使四塞左矣邪毒之內蘊火也實烟也尋常表邪輕烟而已此則如蠻雲毒霧翳於鬱
一經表散僅能紛竄於經絡之中而不能透出於皮毛之外愈入愈深有入無出治自知其誤翻然改計不洗迫其藥
毒而徒盡其當然無益也鮮表藥之毒春用蠶食過桑葉孔多者三片夏用荷花蒂連鬚者七個秋用茅齋苗齒苗者
九枝各寸許冬用生青果核磨汁或打碎五枚不必拘定四時但有現成鮮者可用即用之加入養陰清肺湯中為引
一劑後照全方服不加引提要云如有辨症未清誤服升提開散辛溫之劑視病之輕重以生藥豆礪細末重者一茶
碗輕者一酒杯冷水調服服一劑後服藥則誤服之劑即能解除矣等語
如以上四引不現此症起時發熱者多症之輕者脈不甚洪實初不見白醫者不察往往誤為風邪用表藥而熱退方
謂其效也及白點既見而病已增重大半矣提要云白喉初起惡寒發熱乃毒氣初作於內至二三日喉內見白寒至
熱目除或者不憚以為表藥有功而不知不服表藥其熱亦自退也
敗服養陰一二劑而不見速效又復反覆改圖一誤再誤病其有不殆者乎故誤症既的尤以守方為第一義也云如



有內熱及發熱照方服去其熱則除即白有知乃勿以藥蓋內病不除白何能淨愈發白愈守方久久服之自有效驗切勿勿求速而表散吾謂風邪之症亦宜清解亦不宜於表散表散過當不外出而內氣勢易易也且立意不用表藥則中下之醫不能辨症於初起者亦不致大悞而殺人王鑄書中是用諸藥出於名醫手定人嫌其選擇之過泥吾猶謂其徵引之未全細乎升麻桂枝蘇葉之不可用固不待言即如蠶蟬退馬勃等品治喉家所奉為至寶者皆殺人之具也各宜守之如屬禁視之如魃毒庶不誤矣查汪某之病亦是白喉藥不誤於前此之滋陰而誤於後來之表散況黃芩一味涼入細數猶投炭於瓶而嚴塞其口火雖滅而烟留再以厚重之藥並用而鎮之愈塞愈緊非特不能交濟其功抑且相助為虐其毒至死而不能出者職是故也至其女與婢之病亦均纏喉惟係輕者童體氣盛故以挖破而致然非通法不可為訓若以治弱人則頃刻而靡矣汪某之病胡獨不誤於此耶三即所遇之醫學淺性泥更不足道當其來診之初白塊已遍滿但稍經涉獵者即可辨認況行道有年而猶妄用表散一再不已是何故也至三日而毒氣已深雖有神仙亦不能救甚矣牛蒡射干等藥之為禍烈也耐修此數端聞吾之言大旨當可明曉其擇近時喉症書之近穩者細觀各方中之用藥則其應忌之器不可容留一孽以可用者分為正將猛將次將三表每表分作四層上層為鎮藥如龍胆草石膏生地元參之類次層為潤藥如瓜蒌貝母丹皮天冬之類又次層為消藥如厚樸神麝枳殼麥芽之類下層為導藥如大黃元明粉車前澤瀉之類約藥四五十種按症輕重分別施治亦已足矣其中消導之藥非熱極便結不可輕用但能鎮潤得宜則中下自會通暢不可不知表後列忌用諸藥添入前人漏列者七八種注明害處俾盡人一目瞭然胸有成竹設遇醫者開方觀其所用之藥如有不列於藥隊者以及妄用禁藥者或病輕而遽用猛將者皆不可服更以服禁藥後所現不治症象臚列於後庶可觸目驚心也稿成見實於吾尚有要言

遵定藥將三表

徐乙乙醫
景君審正

三將之中以正將為定法而以猛將取其重次將取其輕四層之中又以鎮潤為定法而以消藥去其滯導藥利其行鎮潤之中又以養陰清肺湯為定法而以他藥病濟之偏頗輔方之不足審定主賓因症施治若網在綱有條不紊至於禁忌之藥萬不可以一試即偶雜一二於良藥之中猶致全羹俱壞况專恃之以為定法乎其不現種種敗象而逼問以斃者鮮矣法戒具備行道者其詳而審焉

白喉正將此除大中正之藥極穩極效惟中下層藥非熱甚之症大便閉結者尚須慎用

上層鎮藥 次層潤藥 中層消藥 下層導藥

大生地 天冬 大木通 郁李仁

元參 當歸 神麴 知母

煨石膏 白灼 焦查肉 生土牛膝兜

麥冬 丹皮 陳皮 澤瀉

貝母 砂仁 青甯丸

薄荷

生甘草

養陰清肺湯 日服二劑重者日服三劑若病勢無增即自加甚仍照方服始終守定不可移易

大生地 壹兩 麥冬 陸錢 白芍 肆錢 薄荷 五分 元參 捌錢 丹皮 肆錢 貝母 肆錢 生甘草 貳錢

此方乃治白喉之聖藥翼然八柱顛撲不破其中但有鎮潤而無消導蓋所謂鎮潤而無消導蓋所謂鎮潤得宜下元

自會通暢無所用其消導也分兩悉照原方不可輕重小兒減半守方服去自然全愈切勿中改如喉間腫甚者加明

結數日不通者加青甯丸貳錢元明粉貳錢胸中脹悶者加神麴貳錢焦查貳錢小便短赤者加大木通壹錢

澤瀉貳錢知母貳錢燥渴者加天冬叁錢馬兜鈴叁錢面赤身熱或舌苔黃色者加銀花肆錢連翹貳錢

白喉猛將非極重之症以及誤服禁忌之藥漸見敗象者不可輕用揭而出之所以使人之慎也

上層鎮藥 次層潤藥 中層消藥 下層導藥

龍膽草 瓜蒌 中樸 生大黃

生石膏 生梔仁 枳實 元明粉

犀角 連翹 萊服子

川黃柏 馬兜鈴

